

## **GARIS PANDUAN FASA AWAL ENDEMIK BAGI INSTITUSI PENDIDIKAN SWASTA INFORMAL**

Dokumen ini menyediakan langkah-langkah di mana institusi-institusi pendidikan swasta informal seperti pusat-pusat bimbingan atau tuisyen dan kemahiran (termasuk komputer, musik, bahasa dan perkembangan kanak-kanak) di bawah Kementerian Pendidikan, Kementerian Hal Ehwal Ugama dan Kementerian Kebudayaan, Belia dan Sukan dibenarkan untuk menjalankan aktiviti semasa Fasa Awal Endemik dalam Rangka Kerja Pemulihan COVID-19 Kebangsaan. Pendekatan ini adalah berdasarkan memastikan pematuhan kepada langkah teras yang disenaraikan di bawah langkah-langkah Kawalan COVID-19, penggunaan *Antigen Rapid Test* (ART) untuk pengesanan awal penyakit dan memperkenalkan sekatan yang berbeza bagi individu sudah divaksinasi dan belum divaksinasi.

### **Fasa Endemik**

Boleh bermula pada tahap 80% perlindungan vaksinasi.

Hidup dengan COVID-19 dengan gangguan minima pada aktiviti harian.

Langkah-langkah yang boleh dilaksanakan:

- Pengurusan COVID-19 selaras dengan penyakit influenza bermusim dan penyakit berjangkit lain.
- Tingkatkan program penggalak vaksin – pertimbangkan keperluan untuk penggalak tahunan biasa seperti penyakit influenza bermusim.
- Tiada langkah-langkah sekatan berterusan di tempat kerja, perniagaan dan sekolah.
- Kelonggaran pada perjalanan masuk dan keluar negara.

### **Langkah-Langkah Kawalan COVID-19**

- *Penggunaan aplikasi BruHealth*
  - **Mendaftar *BruHealth***: Semua premis mesti mendaftar untuk mendapatkan kod QR *Bruhealth*.
  - **Mengimbas Kod *BruHealth***: Pemilik premis hendaklah memastikan semua individu yang memasuki premis mengimbas aplikasi *Bruhealth* mereka sebaik sahaja masuk (termasuk semua warga sekolah / pekerja / kakitangan / ibubapa dan penjaga / pelawat / sukarelawan).
  - **Warna Kod *BruHealth***: Pemilik premis memastikan hanya individu yang mempunyai kod *Bruhealth* Hijau dan Kuning dibenarkan masuk. Kad pengenalan hendaklah diperiksa sebagai pengesanan.
- *Vaksin Lengkap*: Pemilik premis hendaklah memastikan semua pekerja / kakitangan / ibubapa dan penjaga / pelawat / sukarelawan layak diberi vaksin (tiada kontraindikasi perubatan) telah divaksin sepenuhnya.
- *Penjarakan Sosial*: Langkah-langkah penjarakan fizikal yang telah ditetapkan: sekurang-kurangnya 1.5 meter antara individu jika boleh.

- Penquidaraan Premis: Pemilik premis dalaman memastikan premis mempunyai sistem pengudaraan yang baik.

### **Individu yang divaksin sepenuhnya**

Seseorang individu dianggap telah diberi vaksin sepenuhnya jika dia telah menerima rejimen vaksin yang di dalam Senarai Penggunaan Kecemasan WHO (WHO EUL) atau vaksin yang diluluskan BDMCA. Kedudukan vaksinasi dalam aplikasi BruHealth, Sijil Vaksinasi Antarabangsa atau Buku Profilaksis (Buku Kuning) individu atau rekod vaksinasi lain yang boleh diterima boleh ditunjukkan kepada pengurusan premis atau penganjur acara sebagai bukti vaksinasi.

### **Langkah-Langkah untuk Institusi-Institusi Pendidikan Swasta Informal**

#### **Sekatan Kapasiti**

Institusi-Institusi Pendidikan Swasta Informal dibenarkan beroperasi dengan pelaksanaan pendekatan 4 peringkat, di mana bagi Fasa Awal Endemik, ianya adalah seperti berikut:

#### **1) Peringkat 1**

- 100% pelajar yang berumur 12 tahun ke atas dan telah menerima vaksin yang lengkap.

#### **2) Peringkat 2**

- 100% pelajar yang berumur 12 tahun ke atas dan telah menerima vaksin yang lengkap.

#### **Protokol Kemasukan**

- Hanya individu yang telah lengkap menerima **2 dos vaksin COVID-19** sahaja yang dibenarkan untuk masuk ke pusat-pusat pembelajaran.
- Hanya individu yang mempunyai kod *BruHealth* warna **hijau** dan **kuning** sahaja dibenarkan masuk.
- Semua individu dikehendaki memakai sungkup muka (*face mask*).
- Semua individu dikehendaki mengimbas Kod QR premis dengan menggunakan aplikasi *BruHealth*.
- Pemeriksaan suhu badan hendaklah dilakukan dan menggunakan sanitasi tangan sebelum memasuki premis.
- Bagi pelajar yang berumur di bawah 12 tahun kehadiran ke pusat adalah tertakluk kepada ketetapan Kementerian Kesihatan dan jika perlu untuk dilaksanakan kit ujian sendiri (ART) menggunakan *saliva swab samples*. Hanya pelajar yang mendapat keputusan negatif sahaja dibenarkan untuk mengikuti pembelajaran di pusat berkenaan dan ujian hendaklah dilaksanakan sekali dalam tempoh 2 minggu.

- Bagi pelajar yang berumur 12 tahun ke atas dan belum bervaksin adalah dikehendaki untuk membuat ujian ART sekali dalam tempoh 1 minggu dan hanya yang mendapat keputusan negatif sahaja dibenarkan untuk mengikuti pembelajaran di pusat berkenaan.
- Pemeriksaan kit ujian sendiri (ART) akan dilaksanakan sehingga ada ketetapan baharu daripada Kementerian Kesihatan yang tidak menghendaki ujian tersebut dilaksanakan.
- Individu yang mengalami simptom dan berisiko tinggi tidak dibenarkan masuk.
- Sentiasa mempraktikkan penjarakan sosial pada setiap masa.
- Mengelakkan sebarang kontak fizikal.
- Memastikan Garis Panduan Kementerian Kesihatan Brunei Darussalam sentiasa dipatuhi.

### **Protokol Pengurusan Sanitasi dan Pembersihan Pembasmi Kuman**

- Menjaga kebersihan diri sepanjang masa.
- Menyediakan tisu dan cecair pembasmi kuman untuk pengguna/pengunjung.
- Membersihkan kerusi dan meja serta peralatan premis selepas digunakan.
- Membersihkan tombol pemegang pintu setiap dua jam.
- Kerap membersihkan tandas dalam sehari.
- Menyediakan sabun pencuci tangan di dalam tandas.
- Membersihkan ruang/bilik yang digunakan oleh pengguna/pengunjung dengan cecair Pembasmi kuman dua kali sehari.
- *Deep sanitisation* akan dilaksanakan satu kali dalam seminggu.